


釋氏十  
三經註  
疏

圓覺經近釋

卷四  
之六

冊二



大方廣圓覺脩多羅了義經近釋卷四

明二楞庵釋通潤述

於是清淨慧菩薩在大眾中。卽從座起。頂禮佛足。右繞三匝。長跪叉手。而白佛言。大悲世尊。爲我等輩。廣說如是不思議事。本所不見。本所不聞。我等今者。蒙佛善誘。身心泰然。得大饒益。願爲一切諸來法眾。重宣法王圓滿覺性。一切眾生及諸菩薩。如來世尊所證所得。云何差別。令末世眾生。聞此聖教。隨順開悟。漸次能入。作是語已。五體投地。如是三請。終而復始。五性雖明。階差已辨。若認五性以爲實。則儻侗真

如慧不清淨。故乘機發問。以明五性皆循一性而起。由彼伏斷修證各各不同。故有差別。先領前不思議事等者。謂染淨因果。皆由不思議業力熏變。故不可得而見。卽世尊尋常亦不易開演。故亦不易聞。今蒙世尊循循善誘。得聞此法。故身心皆安泰矣。下正請言。我雖知五性差別。皆由二障深淺而立。然覺性圓滿。眾生共證。本無有二。則凡夫外道二乘菩薩及諸如來。所證所得。不應有二。云何而有五性差別。若了此義。便能隨順覺性。漸次得入矣。

大入矣。圓覺通釋卷四

爾時世尊告清淨慧菩薩言。善哉善哉。善男子。汝等  
乃能爲末世眾生。請問如來漸次差別。汝今諦聽。當  
爲汝說。時清淨慧菩薩奉教歡喜。及諸大眾默然而  
聽。

漸次差別者。謂斷十種惑。證十種如。各各差別。故  
見五性有差別。而所證亦有差別也。前章約斷惑。

此章約證真。

善男子。圓覺自性。非性性有。循諸性起。無取無證。於  
實相中。實無菩薩及諸眾生。何以故。菩薩眾生。皆是  
幻化。幻化滅故。無取證者。譬如眼根。不自見眼。性自

平等無平等者。眾生迷倒。未能除滅一切幻化。於滅未滅妄功用中。便顯差別。若得如來寂滅隨順。實無寂滅及寂滅者。

謂圓覺自性。非有五性。故曰非性。性有。由圓覺不守自性。循諸性起。諸性起時。卽隨順圓覺自性而起。實無自性。故無眾生所取幻化法。亦無菩薩所證寂滅法。若在第二門頭世諦論。則能取所取能證所證。容有差別。若在第一義諦實相論。實無眾生爲能取。菩薩爲能證。何以故。以菩薩眾生是對待法。皆是幻垢。幻垢旣除。則一切皆覺。云何復見。

彼爲能取之眾生。彼爲能證之菩薩乎。喻如眼根不見己眼。以彼所證覺性本來平等。故不見有能平等之人也。是知本有覺性。生佛圓滿。實無差別。然而見有差別者。以眾生住於昏迷顛倒法中。未能頓滅一切幻化。隨其智力淺深。漸斷漸證。於此妄功用中。便顯五性差別之名。若證如來身心寂滅。平等本際。隨順不二之地。尙不見有所寂滅之法。亦不見有能寂滅之人。又何五性差別之有。善男子。一切眾生從無始來。由妄想我及愛我者。曾不自知念念生滅。故起憎愛。耽著五欲。若遇善友教

令開悟淨圓覺性。發明起滅。卽知此生性自勞慮。  
所謂妄功用中。便顯差別者。謂一切眾生皆由意  
識妄想所執之我。及七識所執之我。由此二識執  
我執法。妄認四大爲自身相。六塵緣影爲自心相。  
曾不自知念念生滅。故起憎愛。於五塵境耽著不  
捨而起五欲。故有三界生死輪迴。若遇善友教令  
開悟不生不滅淨圓覺性。是寂滅法。復爲發明念  
念生滅者。是徧計性。由彼一聞此教。悟知此生塵  
勞思慮。皆是自已狂癡亂想。然未能伏斷二執。未  
能隨順覺性。雖復名覺。卽是不覺。故名未成佛。亦



名異生性。未詳其說。今知不誤。此即其說。見前。  
若復有人勞慮永斷。得法界淨。即彼淨解爲自障礙。  
故於圓覺而不自在。此名凡夫隨順覺性。此即其說。  
若修奢摩他。斷見思二惑。永除事障。便能內發寂  
靜輕安。爾時便得無方清淨。故曰勞慮永斷。得法  
界淨。勞慮者。即塵勞思慮也。由彼斷勞慮。得淨法  
已。即守此淨解。復爲自己作障。作礙。故於圓滿覺  
性不得自在。故先德云。神光不昧。萬古徽猷。入此  
門來。莫存知解。以存知解。是名二乘隨順覺性。以  
但斷我執。名相似覺。不曰二乘而曰凡夫者。以法

執未除。同凡夫故。先德云。得到法身。爲法執未忘。  
已見猶存。墮在法身邊。亦是病。又云。騎驢不見驢。  
是病。騎驢不肯下。亦是病。前病是異生所患。後病  
是二乘所患也。

善男子。一切菩薩見解爲礙。雖斷解礙。猶住見覺。覺  
礙爲礙。而不自在。此名菩薩未入地者。隨順覺性。

此明菩薩見得守淨解者。是障礙。修習種種殊勝  
資糧。爲有情故。勤求解脫。以斷解礙。不住淨境。而  
苦未能了。能所取空。多住外門。修菩薩行。故於二取  
所引隨眠。未能伏滅。令彼不起。二取現行。猶見有

能覺者在。故住見覺。卽此見覺。依然是障。所謂螻  
螻雖脫殼。猶自抱寒枝。故於圓覺。不得自在。唯識  
論云。現前立少物。謂是唯識性。以有所得故。非眞  
住唯識。此是資糧位中菩薩隨順覺性。由未斷法  
執。亦名相似覺。

善男子。有照有覺。俱名障礙。是故菩薩常覺不住。照  
與照者。同時寂滅。譬如有人自斷其首。首已斷故。無  
能斷者。則以礙心自滅。諸礙礙已斷滅。無滅礙者。脩  
多羅教。如標月指。若復見月。了知所標。畢竟非月。一  
切如來種種言教。開示菩薩。亦復如是。此名菩薩已

入地者隨順覺性。謂三賢位中菩薩雖修三摩提。尚有能照之智。及所覺之理。猶存能所未能忘相。所以俱名障礙。故修禪那以斷照覺。照覺俱斷。能所兩忘。得入法性。覺通如來。盡佛境界。分證平等法身。始登初地。故得常覺不住。能照所照同時寂滅。故唯識頌云。若時於所緣。智都無所得。爾時住唯識。離二取相。故以初地用金剛智。斷分別法執。證徧行真如。不取種種戲論相。智與真如平等平等。譬如有人自斷其首。以法執已斷。不見有能斷之智。如首已斷。不

見有能斷之人。反顯地前皆以礙心滅礙。有所伏  
界之惑。有能伏之人。故有照與照者同時寂滅。初地  
已上斷分別法執。證平等性智。非斷而斷。非證而  
證。非若地前以礙心滅礙。故不見有所滅之礙。及  
滅礙之智。故曰礙已斷滅。無滅礙者。何以故。以地  
前菩薩皆是認化佛所說事。六度而修行。未達圓  
覺體中具足萬行。如不見真月。但執指爲月。至加  
行位。觀察名義自性差別。至初地而名義始空。斷  
言語息思想。純以智慧修六度行。不生取著。故起  
信云。以知法性體無慳貪。隨順修行檀波羅蜜等。

如見月而不認標指。從是菩薩得真見道。入通達位。此名已入地者。隨順覺性。由分斷法執。分證真理。名隨分覺。

善男子。一切障礙。卽究竟覺。得念失念。無非解脫。成法破法。皆名涅槃。智慧愚癡。通爲般若。菩薩外道所成就法。同是菩提。無明眞如。無異境界。諸戒定慧及淫怒癡。俱是梵行。眾生國土。同一法性。地獄天宮。皆爲淨土。有性無性。齊成佛道。一切煩惱。畢竟解脫。法界海慧。照了諸相。猶如虛空。此名如來隨順覺性。

論云。如菩薩地盡滿足方便。一念相應覺心初起。

心無初相。以遠離微細念故。得見心性。心卽常住。  
故見一切煩惱無明諸障礙法。同一圓融清淨寶  
覺。由未見本覺時。故有得有失。旣見本覺。則本自  
無失。今亦無得。故法法皆真。無非解脫。未覺之時。  
謂有爲之法。有成有壞。無爲之法。無成無壞。旣覺  
之後。卽有爲是無爲。卽無爲是有爲。故成法破法。  
皆是涅槃。未覺之先。無明智慧定是兩法。旣覺之  
後。無明實性卽是佛性。故智慧愚癡皆名般若。未  
覺之前。邪法正法迥然各異。旣覺之後。平等本際。  
故菩薩外道。同是菩提。未覺之先。無明真如元是

兩法。既覺之後。無明邊際。卽是真如邊際。故無異境。未覺之先。三學三毒。是對待法。既覺之後。三毒卽是三學。故俱是梵行。未覺之前。則有情無情。成敵兩立。既覺之後。則天地同根。萬物一體。故眾生國土。同一法性。未覺之先。則苦樂二境。宛然差別。既覺之後。則苦樂本空。故地獄天宮。皆爲淨土。未覺之先。五性差別。既覺之後。五性元同一性。三乘卽是一乘。故有性三乘。與無性闡提。皆成佛道。未覺之前。縛脫有二。既覺之後。則知縛處卽解。解處卽縛。故煩惱卽是解脫。未覺之前。對境生情。既覺



之後則分別一切法不起分別想。故以法界海慧照了諸法。猶如虛空。故曰離念相者。等虛空界。法界一相。卽是如來平等法身。此名如來隨順淨覺。以斷生相無明。名究竟覺也。已上顯示凡夫以至佛果。漸斷漸證竟。

善男子。但諸菩薩及末世眾生。居一切時不起妄念。於諸妄心亦不息滅。住妄想境不加了知。於無了知不辨真實。彼諸眾生。聞是法門。信解受持。不生驚畏。是則名爲隨順覺性。善男子。汝等當知如是眾生。已曾供養百千萬億恆河沙諸佛。及大菩薩。植眾德本。